

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**OPĆINA BOSANSKA KRUPA**  
**JEDINSTVENI OPĆINSKI ORGAN UPRAVE**  
**OPĆINE BOSANSKA KRUPA**  
**Broj: 07-11-5-6035/21**  
**Bosanska Krupa, 27.9.2021.godine**

Na osnovu članova 70. stav 1. i 88. Zakona o javnim nabavkama („Službeni glasnik BiH“, broj: 39/14), u konkurentskom postupku nabavke računara i računarske opreme za potrebe JOOU Općine Bosanska Krupa, na prijedlog Komisije za provođenje postupka javne nabavke Općinski načelnik, kao rukovodilac organa uprave donosi:

**ODLUKU**  
**o izboru najpovoljnijeg ponuđača**

1. Prihvata se ponuda ponuđača „**KODEKS**“ d.o.o. **Sarajevo**, za nabavku računara i računarske opreme za potrebe JOOU Općine Bosanska Krupa, sa ponuđenom cijenom u ukupnom iznosu od **14.830,00 KM bez PDV**, odnosno **17.351,10 KM sa PDV- om**.
2. Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova lične sposobnosti u skladu sa datom izjavom iz člana 45. Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem potpisat će se ugovor o nabavci računara i računarske opreme za potrebe JOOU Općine Bosanska Krupa.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-6035/21 od 2.8.2021. godine. Javna nabavka je provedena putem konkurentskog postupka nabavke roba- Nabavka računara i računarske opreme za potrebe JOOU Općine Bosanska Krupa. Obavještenje o nabavci broj: 1272-7-1-90-3-65/21 od 2.8.2021. godine i ispravka obavještenja broj. 1272-7-1-90-8-75/21 od 15.9.2021. godine - objavljeno na portalu JN (TD preuzelo: 20 ponuđača obavještenje i 12 ponuđača ispravku) i službenoj web stranici općine Bosanska Krupa. Po objavljenom obavještenju rok za prijem ponuda je bio 24.09.2021. godine do 12,00 sati. Do označenog roka za prijem ponuda na protokol Ugovornog organa je pristigla je jedna ponuda, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponuda ponuđača:

1. „**KODEKS**“ d.o.o. **Sarajevo**, broj protokola: 07-11-5-6035-4/21, zaprimljena dana 23.9.2021. godina u 13:20 sati

Komisija za provođenje postupka javne nabavke je u skladu sa tenderskom dokumentacijom dana 24.09.2021.godine u 12,00 sati, izvršila javno otvaranje pristigle ponude

1. **Ponuđač „KODEKS“ d.o.o. Sarajevo**, dostavljena ponuda uredno zapakovana i bez vidnih oštećenja, ponudio je:

cijena ponude: **14.830,00 KM bez PDV,**  
PDV 2.521,10 KM  
ukupna cijena ponude: **17.351,10 KM sa PDV- om,**  
Popusta nema.

Konstatovano je da je procjenjena vrijednost nabavke 14.858,00 KM bez PDV-a, odnosno 17.383,86 sa PDV-om.

Komisija je izvršila pregled ponude i dostavljene dokumentacije uz ponudu, te je konstatovala da je jedina pristigla ponuda ponuđača „KODEKS“ d.o.o. Sarajevo potpuna, ispravna u formalno-pravnom smislu (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze i ponudu izradio u skladu sa TD), kao i da računskih grešaka nije bilo.

Komisija je konstatovala da je u ovom postupku predviđeno provođenje e-aukcije, ali se ista neće provoditi, jer je u ovom postupku pristigla samo jedna prihvatljiva ponuda i to ponuda „KODEKS“ d.o.o. Sarajevo, a shodno članu 3. stav (3) Pravilnika o načinu korištenja e-aukcije.

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je jedina dostavljena ponuda ponuđača „KODEKS“ d.o.o. Sarajevo u okviru procjenjene vrijednosti javne nabavke i osiguranih sredstva za predmetnu nabavku, Komisija za provođenje postupka javne nabavke je predložila Ugovornom organu da donese Odluku o izboru najpovoljnijeg ponuđača „KODEKS“ d.o.o. Sarajevo i zaključi Ugovor.

S obzirom da je kriterij za dodjelu ugovora „najniža cijena tehnički zadovoljavajuće ponude“, a da član 89.stav 3. Zakona o javnim nabavkama propisuje : „ *kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od 10 dana od dana okončanja postupka javne nabavke,* to je Ugovorni organ prihvatio prijedlog Komisije i donio odluku o izboru najpovoljnijeg ponuđača „KODEKS“ d.o.o. Sarajevo, s kojim će po konačnosti odluke i zaključiti Ugovor.

Shodno prednjem odlučeno je kao u dispozitivu ove Odluke.

### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Ugovornom organu u pisanoj formi direktno ili putem pošte u dovoljnom broju primjeraka, a koji ne može biti manje od tri.

Obrađivač: Selma Bužimkić

**OPĆINSKI NAČELNIK**

Armin Halitović

Dostavljeno:

1. „KODEKS“ d.o.o. Sarajevo
2. U spis
3. a/a